

№ 46, 47, 48

№ 46, 47

Подшивко 2011 № 53 I-XV

Адолат ҳар ишда ҳамроҳимиз ва дастуримиз бўлсин!



ИНСОН ВА ҚОНУН

ЎЗБЕКИСТОН РЕСПУБЛИКАСИ АДЛИЯ ВАЗИРЛИГИНИНГ ҲУҚУҚИЙ ГАЗЕТАСИ

● 2011 йил 11 январь ● сешанба ● № 1 (728) ● e-mail: info@press-iq.uz ● www.minjust.uz



“Инсон ва қонун”
2011 йилда
ҳам Сизнинг
ҳамроҳингиз
бўлади!

Ислон **КАРИМОВ:**

...Жаҳондаги энг замонавий тажрибаларни ўзида мужассам этган ва айни вақтда миллий анъаналарни кўз қорачигидек асраб-авайлаб келаётган армиямиз она-Ватан хавфсизлиги, халқимизнинг тинч меҳнати ва осойишта ҳаётини, мамлакатимизнинг демократик ҳуқуқий давлат, фуқаролик жамияти барпо этиш йўлидан изчил тараққий этишини таъминлашнинг ишончли кафолатига айланди.

Ҳушёрлик уларнинг муқаддас бурчи

ОНА ВАТАННИ ҳимоя қилиш, халқ фаровонлигини таъминлашдек масъулиятли вазифа эр йигитга гурур ва ифтихор бағишлайди. Бунни яхши англаган юрт ҳимоячилари сарҳадларимизда ҳамisha сергак туриб, бурчларини виждонан ўташмоқда.

Сарҳадларимизни қўриқлашда ҳимоячиларимиздан катта масъулият, малака ва билим ҳамда ўта сазғирликни талаб қилади. Бунни қуролли кучларимизнинг қоровуллик хизмати мисолида ҳам кўришимиз мумкин.

...Т.У.Н. Техника паркида ўз вазифасини ўтаётган соқчи доимгидек ҳушёр ва сергак. Кучли ёмғир ва шамолга қарамасдан соқчи кичик сержант Бахтиёр Маҳматқулов пост ҳудудида белгиланган йўналиш бўйича айланиб, вазифасини ҳушёрлик билан адо этмоқда. Хар бир шарпа соқчининг

эътиборидан четда қолмаяпти. Негаки, масъулиятли вазифани бажараётганини яхши англайди. Шу боис йўналиш бўйлаб ҳаракатланар экан, имкон қадар сергак бўлишга интилади. Фира-шира қоронғуликда йилтираган нарса соқчининг эътиборини тортди. Яқинлашганида эса, бу

ёмғир ва шамол таъсирида электр токидаги носозликдан келиб чиққан қисқа туташув эканлигини билди. Соқчи тезда қоровул бошлиғига вазият ҳақида хабар берди. Қоровул бошлиғи офицер Азизбек Эшонқулов зудлик билан қисм навбатчисига соқчи берган ахборотни етказди ва қоровуллар билан биргаликда постга етиб келди. Тезкор ҳаракат натижасида электр токидаги носозлик бартараф қилинди ва келиб чиқishi мумкин бўлган кўнгилсиз ҳодисанинг олди олинди.

3

“Ўзбекистон Республикасини ҳимоя қилиш — Ўзбекистон Республикасининг бурчидир. Фуқаролар қонунда белгиланган тартибда ҳарбий ёки муқобил хизматни ўташга мажбурдирлар”.


Ўзбекистон Республикаси Конституциясининг 52-моддаси

“Ўзбекистон Республикаси Қуролли Кучлари Ўзбекистон Республикасининг давлат суверенитетини ва ҳудудий яхлитлигини, аҳолининг тинч ҳаёти ва хавфсизлигини ҳимоя қилиш учун тузилади. Қуролли Кучларнинг тузилиши ва уларни ташкил этиш қонун билан белгиланади”.

Ўзбекистон Республикаси Конституциясининг 125-моддаси

“Ўзбекистон Республикаси ўз хавфсизлигини таъминлаш учун етарли даражада қуролли кучларига эга”.

Ўзбекистон Республикаси Конституциясининг 126-моддаси



14 январь — Ватан ҳимоячилари куни

Юрт тинчлигига масъулмиз

МАЪЛУМКИ, Қуролли Кучларимиз халқимизнинг тинч меҳнати ва осойишта ҳаётини, мамлакатимизнинг демократик ҳуқуқий давлат, фуқаролик жамияти барпо этиш йўлидан изчил тараққий этишини таъминлашнинг ишончли кафолати бўлиб ҳисобланади. Шу сабабли юртимиз ёшларини юксак маънавий ва ахлоқий фазилатлар руҳида тарбиялаш, ватанпарварлик, мамлакат тақдирини ўзининг масъулият ҳисси билан яшаш, юртимиз мустақиллиги ва хавфсизлигини мустаҳкамлаш туйғусини янада кучайтиришга қаратилиши лозим бўлади.

“ВАТАН тинчлигига барҳамиз масъулмиз” мавзусида Ҳамза туманидаги, “Ҳарбийлар” маҳалласида жойлашган 161-ўрта мактаб ўқувчи-ёшлари билан бўлган учрашув ана шу эзгу мақсадда ташкил этилди. Мазкур тадбирда туман ҳокимияти, Тошкент шаҳар адлия бошқармаси, прокуратура, маҳалла бўлими, “Қамолот” ЁИХ ва “Н”-сонли ҳарбий қисм аскарлари қатнашдилар. Шунингдек, мазкур тадбирда ўқувчи-ёшлар томонидан тайёрланган Ватан мадҳини улуғовчи шеър-қўшиқлар ва сахнавий кўринишлар ҳам намойиш этилди.

Зулайхо КАМОЛХЎЖАЕВА,
Ҳамза тумани ФХДБ бўлими мудири

Дала машқли

АСКАР УКАЛАРИМГА
Исмингиз ким,
Баҳромчи, Азим.
Билмадим, Усмонни ё Юсуф?
Бу гал машқ оғирроқ
кечар азизим,
Барча йўллар қўйилган тўсиб...

Йўқ
Бу шунчаки дала машқимас
Чинакам жанг!
Ғалаба йўли!!!
Ғалабанинг эса ёлғони бўлмас,
Ғалаба шу —
Ҳаёт ё ўлим!

Қани кетдик,
Чиданг,
Эмакланг,
Тошларга босингиз кукракни.
Шу тошлар, шу ҳаво, шу тупроқ
Бизники,
Бизга ҳам керак-ку!

...Қани энди
кетдик,
Уқдан тез учинг!
Шаптингиз шоширсин Осмонни!

Ўқларга чап бериқ, жон сақланг,
Ахир зафар кучмоқ осонми?!

Тепаликда “душман” ўт очар,
Токи маҳқ эмасак
Тугамайди жанг.
Фақат олға
Энди...
Тирик қолиш учун
Сўнги ҳамла зарур,
Ўқларни тежанг!

Ватан номи билан,
Озодлик номи билан,
Сўнги ҳамла!
Чекинмоқ йўқлик,
Қуликдур
Бу — синов палла!

Мана...
Етдик!
Яшанг!
Бир ҳамла,
Энди
Ғалаба!
Зафар шавқи чулғар жаҳонни.
Ана,
Осмон қутламоқда шағн —
Ғолиб келган Ўзбекистонни.

Кўчкор **НОРҚОБИЛ**

Тараққиёт пойдевори

Кичик бизнес ва хусусий тадбиркорлик

уни ривожлантиришдаги муҳим қадам



МАЪЛУМКИ, ҳар бир йилга алоҳида ном бериш анъанасига айланди. Белгиланган соҳада чуқур ислохотларни амалга оширишнинг бундай мақбул усули 1997 йилдан бошлаб давом этаётир. Энг муҳими, шу йўл билан моҳиятан кенг қамровли, яъни тегишли соҳада нафақат бир йил давомида, балки ундан кейинги йилларда ҳам амалга оширилиши лозим бўлган чора-тадбирлар дастури белгилаб олинмоқда. Шунингдек, келаётган йилга ном берилишида, одатда, ўтказилаётган ислохотларнинг узвийлигини таъминлаш билан бирга узоқни кўра билиш каби мезонлар ҳисобга олинади.

ЎЗБЕКИСТОН РЕСПУБЛИКАСИ Президентининг 2010 йил 28 июлда “Таълим муассасаларининг битирувчиларини тадбиркорлик фаолиятига жалб этиш борасида”ги Фармони қабул қилинган эди. Мазкур Фармон “Баркамол авлод йили Давлат дастури” доирасида қабул қилинган бўлсада, у “Кичик бизнес ва хусусий тадбиркорлик йили”да ҳам соҳа ривожига муносиб улуш қўшади. Шу билан бир қаторда, кейинги давр мобайнида айнан шу соҳада янада чуқурроқ ислохотлар амалга оширилишини талаб этади.

2

Адлия аралашгач...

Қонун талаби қатъий ёки

эллик нафар ишчи адлия ҳимоясида

НАВОИЙ ВИЛОЯТИ адлия бошқармаси томонидан 2010 йил 2-ярим йилликка мўлжалланган иш режага асосан “Навоийнефтбазаси” унитар корхонасида шартномавий муносабатларга ва инсон ҳуқуқларига оид қонун ҳужжатларига риоя этиш аҳоли ўрганилганда, корхона мансубдор шахслари томонидан корхонанинг ишчи-ҳодимлари иш ҳақидан қарздорликка йўл қўйилгани ҳолда тўлаб бериш чоралари кўрилмаганлиги ҳолатлари аниқланди.

ХУСУСАН, “Навоийнефтбазаси” унитар корхонасининг корхонада ишловчи 50 нафар ишчи-ҳодимлари иш ҳақидан 4 660 000 сўмлик қарздорлиги мавжуд бўлиб, ўрганиш кунига қадар тўлаб бериш чоралари кўрилмаган.

Худди шунингдек, меҳнат шартномаси бекор қилинган ишчи-ҳодимларнинг 3 нафарига жами 147 917 сўмлик охириги ҳисоб-китоблар ўз вақтида тўлаб берилмаган. Ёки корхона ҳодими Худайкул Усмонов билан тузилган меҳнат шартномаси бекор қилинган бўлишига қарамасдан, охириги ҳисоб-китобларга кўра унга тегишли бўлган маблағ ҳеч қандай сабабсиз тўлаб берилмаган.

Кўрииб турибдики, “Навоийнефтбазаси” унитар корхонаси раҳбари ва бош ҳисобчиси то-

монидан Ўзбекистон Республикаси Меҳнат кодексининг 161-моддаси талаблари бузилган ва Маъмурий жавобгарлик тўғрисидаги кодекснинг 49-моддасида кўрсатилган меҳнат тўғрисидаги қонун ҳужжатлари бузилиб, маъмурий ҳуқуқбузарлик ҳаракати содир этилган.

Вилоят адлия бошқармаси аралашгач, “Навоийнефтбазаси” унитар корхонасининг директори С.Қодиров ҳамда корхона бош ҳисобчиси У.Исмаиловларга маъмурий жарима жазоси қўлланилди.

Вилоят адлия бошқармаси кўмағида 50 нафар ишчи-ҳодим кечиккан иш ҳақини олишга муваффақ бўлди.

Баҳодир **ТОШЕВ,**
Навоий вилояти адлия бошқармаси бўлим бошлиғи

Назар

КўПЧИЛИК ёшлар тарбияси деганда уларни меҳнатсевар, ахлоқ-одоби ва муомала маданияти жойида бўлса бўлди, бундай ёшларга ҳавас қилса арзийди, деб ўйлайди. Йўқ, ҳозирги мураккаб замонда бу камлик қилади. Аввало, ёшларнинг сиёсий онгини тарбиялаш, яъни унинг дунёқарабини шакллантириш муҳим. Агар ёш қалбга ўзликни англаш, юртга меҳр, ватанпарварлик ҳисси, бугунги ўта мураккаб дунёни идрок этиш ва фикрлаш қобилияти шаклланмаса, у кўп нарсада адашади. Биз буни ҳаётда кўриб турибмиз.

КЕЛИНГ, бир неча ҳаётини мисоллар устида мулоҳаза қилиб кўрайлик. Бир ёш йигит ёки қиз ҳаётда қимдандир, нимадандир хафа бўлди, қандайдир бюрократ ёки муттаҳаммад дуч келди, нималардир сабаб бўлиб мақсадига ва орзу-истагига эриша олмади дейлик. Бундай пайтда у фикрламай, идрок этмай жамият, одамлар, ҳаёт ҳақида бир ёқлама хулоса чиқаради. Ёки, шундай ёшлар борки, бир-икки марта хорижий давлатга чиқиб келади-да, қисқа вақтда у ерлардаги ҳаётнинг мураккаблигини фарқлай олмаган бўлса-да, четдаги ҳаётга маҳлиб бўлиб қолади. Яна бир ҳақиқат шуки, кўпинча ҳар хил олди-қочди нашрлар, интернет материаллари, телеэкран ва бошқа видео-таъсирлардаги беҳаёликлар, ўзгаларнинг турмуш тарзига тақлид ёшларни тўғри фикрлашдан қалғитади. Оқибатда уларнинг айримлари авлод-аждоғларини унутиб қўяди. Бу ташвиш тугдирадиган ҳолат, албатта.

Ёшим каттароқ бўлгани учун ёшлар дунёқараши ҳақида мунозара қилишни яхши кўраман. Айримлари билан мулоқот қилиш жуда оғир кечади. Кўпинча улар фақат ўз билганларини ҳақиқат сифатида тан олади.

Шак-шубҳасиз, бугунги авлод деганда, аввало, ўзликни англаб, ҳаётни тўғри идрок этадиган ёшларни назарда тутамиз. Бундай ёшлар жамиятимизнинг кўрки бўлиб, улар жуда кўпчиликини ташкил этади. Бироқ дунёқараши тор, ҳаётнинг мураккаб жиҳатларини бир томонлама идрок этадиган, миллий қадриятларнинг қадрига етмайдиган, ўзгаларнинг иғво ва фикс-фасодларига ишонадиган, халқро ҳаёт ва сиёсатнинг эшик ортидаги ўйинларини англаб етмайдиган ёшлар ҳам бор. Шунинг учун Ватан, миллат ва жамият манфаатлари ҳамда ойдин келажак кўзланиб олиб бориладиган тарбиявий ишларда бунга алоҳида диққат-эътибор бериш зарур.

Ўзбекистон ҳақида, унинг ички ва ташқи сиёсати ҳақида, юртимизда ва халқимиз ҳаётида юз бераётган ўзгаришлар, мамлакатимиздаги миллий тотувлик, динлараро муносабат-

навият ва маърифатни турлича талқин қилади. Масалан, демократия ва эркинликни кўнгил тусаган ишни қилиш, оғизга келган гапни гапириб, бошбошқоқлик, беҳаё кийиниш, ёқимсиз қилиқлар қилиб, катталарга, ҳатто ота-оналарга ҳам ҳурматсизлик қилиш мумкин, деб тушунилади. Йўқ, халқимизнинг маънавий-ахлоқий одатларига бундай ҳолатлар тўғри келмайди. Шунинг учун биз эркинлик борасида ўзгалар ўйлаб топган сунъий стандартларга эмас, балки ўз миллий одоб қоидаларимизга амал қиламиз.

Бир кун мен ёшлар билан учрашувда улардан: "Цивилизация деганда нимани тушунасанлар?" деб сўрадим. "Цивилизация дегани яхши яшаш, яъни еб-ичиши мўл-қўллик,

размий, Фарғоний, Улугбек боболаримиз қолдирган меърастлар бутун жаҳоннинг бойлиги бўлиб қолганлиги ҳақида тўлқинланиб гапирган эди".

Шундан кейин улар ўйлашиб қолишди. Кўришиб турибди, уларда дунёқараши ҳали шаклланмаган, жаҳон миқёсида фикрлаш, идрок этиш ва хулоса чиқаришда сиёсий онгсизлик устун. Бундай пайтда улар билан жиддий шугулланиб, ҳаётини мисоллар асосида тушунириш ҳамда тарбият-ташвиқот ишлари олиб бориш зарур. Умуман, ҳар қандай ҳолатда ҳам бу борада имкониятни бой бермаслик керак.

Сир эмас, баъзан мулоқотлар пайтида ўзга дунё кўзига ой бўлиб кўринадиган ёшлар ҳам дуч келиб қолиши мумкин.

тира олмаган. Бунга тарих гувоҳлик беради. Оллоҳ бизга қандай маънавият берган бўлса, биз ҳеч қачон хиёнат қилмаганмиз, хиёнат қилмаймиз ҳам. Биз ўтган асрда гарб дунёсида сунъий равишда ўйлаб топилган ва бошқаларга тиқштирилган турмуш тарзини тан олмаймиз. Буни ҳали сиёсий онги шаклланмаган ва ўзгаларнинг сохта қадриятларига ҳавас қилиб яшаيدиган йигит ва қизларга тушунириш биз катталарнинг муқаддас бурчимиздир.

Ёшларга айтадиган гапимиз шуки, ўзгаларнинг гоёвий мақсадлари, геосийсий манфаатлари йўлида, шунингдек, айрим халқларнинг ўтмишини унуттириш ва келажagini йўқ қилиш ниятидаги хатти-ҳаракатлари билан тинчмаётган ғаразғўй кимсалар ва бузғунчи қўлларга нисбатан ҳушёр бўлайлик. Сиёсий онгсизлик уларнинг ноғорасига ўйнаша олиб келса, ёшлар тарбиясидаги нўноқлик келажакда манкуртлик учун йўл очади. Ўзликни йўқотган инсон ўзгалар томонидан осон бошқарилади. Тарбиялаш ҳамда тарбият-ташвиқот ишларида буни унуттиришга ҳақимиз йўқ. Тўғриси, ақл-идрок билан фикрламай, ўзликни йўқотган, яъни авлод-аждоди кимлигини, Ватани ва миллатини унутган, иймон-эътиқоди ва гурури йўқ, иродаси бўш, нафсдан бошқа ташвиши йўқ, ўзгалар ноғорасига ўйнайдиган инсонни миллий қадриятлар ва маънавиятдан маҳрум бўлган одам дейиш учун асос бор.

Шундай экан, ёшларни ўзликни англаш, юртга эғаллик ва Ватанин севиш, дунёқараши шакллантириш ва сиёсий етуқлик, авлод-аждоғидан фахрланиш ва миллий қадриятларни қадрлаш руҳида тарбиялаш маъсулиятини ҳеч қачон унутмаслик керак. Бунда юртимизда тинчлик-осойишталик, тартиб-интизом ва қонун устуворлигини таъминлаш ҳамда адашганга тўғри йўл кўрсатиб, жамият жиқлигини мустаҳкамлаш ишига муносиб ҳисса қўшаётган барча ҳуқуқтартиб идоралари, жамоат ташкилотлари, оммавий ахборот воситалари ҳамда кенг жамоатчилик зиммасига катта маъсулият юкланади.

Бугунги мураккаб дунёни англаш ва идрок этиш Ўзбекистон ёшлари учун етуқлик сиёсий бўлса, Ватан ва миллат шаъни учун курашиш, ўзликни англаш ва қадрлаш муқаддас бурчдир.

Иброҳим НОРМАТОВ, Ўзбекистонда хизмат кўрсатган журналист

Тараққиёт пойдевори

Кичик бизнес ва хусусий тадбиркорлик

уни ривожлантиришдаги муҳим қадам

(Давоми. Боши биринчи бетда)

Шуни эътиборга олиш лозимки, бугунги кунда кичик бизнес ва хусусий тадбиркорлик ўзининг иқтисодийтаъминотидаги ўта муҳим ва салмоқли ҳиссаси, роли ва таъсири, содда қилиб айтганда, бошқа ҳеч бир соҳа ва йўналиш ўрнини босолмайдиган катта аҳамияти билан давлат ва жамиятимиз ривожидида алоҳида ўрин эгаллайди. Ўзбекистон Республикаси Президентининг юқорида таъкидланган Фармонининг 1-бандида "микрфирмалар ва кичик корхоналар томонидан республиканинг касб-ҳунар коллежлари, академик лицейлари ва олий таълим муассасалари битирувчилари билан меҳнат шартномалари тузилганда, банд ходимларнинг ўртача йиллик сони қонун ҳужжатларида белгиланган чекланган нормативдан кўпи билан 20 фоиз оширилган ҳолларда, микрофирмалар ва кичик корхоналар учун назарда тутилган имтиёзлар, кафолатлар ва ҳуқуқлар уларда сақланиб қолади.

Бунда ходимлар сонининг оширилишига Ўзбекистон Республикаси касб-ҳунар коллежлари, академик лицейлари ва олий таълим муассасалари битирувчиларининг ўқишни якунлаган кунидан бошлаб 3 йилдан ортиқ вақт ўтмаган тақдирдагина йўл қўйилди", деб белгилаб қўйилган. Шулар қаторида битирувчиларга ўз бизнесини ташкил этиши учун имтиёзли кредитлар бериш бўйича тижорат банклари томонидан амалга оширилган ишлар ҳам эътиборга сазовор. Яна бир эътиборли жиҳати шундаки, касб-ҳунар коллежлари, академик лицейлари ва олий ўқув юртли битирувчиларини кичик бизнес ва хусусий тадбиркорлик соҳаларига кенг жалб қилиш ўсиб келаётган авлоднинг иш билан таъминлаш масаласида ҳам ўзига хос ечимдир. Чунки кичик бизнес ва хусусий тадбиркорлик барча учун янги иш ўринлари очиб, барқарор даражада манбаларини яратишнинг энг муҳим омилига айланаётганлиги барчамизга маълум.

Тарихга назар солсан, аждодларимиз ҳам тадбиркорлик билан шугулланган. Шу ҳисобидан рўзгор тебратиб, ўз оиласини, эл-юрт манфаатини таъминлаб келган. Ҳозир-Endilikда эса ўша жабр-ситамнинг азоби-ни чекмоқда. Энг дахшатлиси табиатда иқлим ўзгариши юз бермоқда. Бундай фикрларни табиатга бағишланган барча мақолаларда кўришимиз мумкин. Эътиборлиси, фуқароларимиз табиатни асрашга асло бефарқ эмас.

Тахририятимизга бу каби сермаъмул мақола-ларни фуқаролик ишлари бўйича Бухоро вилояти суди судьяси Меҳринисо Қодирова, Андижон вилояти адлия бошқармаси бошқармаси биринчи ўринбосари Иброҳим Турғунов, Тошкент шаҳар адлия бошқармаси бўлими бошлиги Феруза Курганова ва бошқалар ҳам йўллаган.

Зайнидин МАМАДАЛИЕВ, "Инсон ва қонун" муҳбири

Теран томирлардан сув ичган ниҳоллар

ҳар қандай синовларга, бўронларга дош бералади

унутмайлик. Ахир, дунёнинг у ер-бу ерида содир бўлаётган уруш-жанжаллар, зўравонликлар, диний, миллий-этник ва бошқа низоларга, қашшоқлик, очарчиликка ва ноҳақлик авж олишига ўша айрим ёшлар ҳавас қилаётган давлатлар, тузумлар ҳамда сиёсий қўллар сабабчи бўляпти-ку!..

Биз буни англаб етишлари учун ёшларимизга Ўзбекистон Президентининг 2010 йил 20 сентябрь куни Бирлашган Миллатлар Ташкилоти минбаридан айтган сўзлари устида чуқур мулоҳаза юритишни маслаҳат берамиз. Ахир, ўттиз йилдан бери урушга тортилаётган афғон халқи қандай қилиб қашшоқ ва оч бўлмасин. Афғонистонда тинчлик ва барқарорлик ўрнатиш борасида Ўзбекистон раҳбари киритаётган амалий тақлифнинг моҳиятини идрок эта олган ёшларгина асл сиёсатнинг қадрига етади. Ўзбек халқи кўшининг ўйида ҳамisha тинчлик бўлишни хоҳлайди. Ташқи сиёсатда Ўзбекистон танлаган йўл, олиб бораётган саяё-ҳаракатлар ва бу борада тугилаётган ташаббуслар Ватан фарзанди бўлган ҳеч бир йигит ва қизни бефарқ қолдирмаслиги керак.

Шундай ёшлар ҳам борки, демократия ва эркинликни, цивилизация ва тараққиётни, маъ-



замонавий кийиниш, ҳаётда гарб дунёсидан ибрат олиш деганидир", деб жавоб берадилар. "Улар, бундай пайтда куруқ гап билан уларнинг сиёсий онгини ўзгариб бўлмайди. Бу катта саноҳиятни талаб қилади.

Ҳар биримизда фахр-ифтихор ўйғотадиган яна бир ҳолат шуки, бу мафтункор ва саховатли юртда маънавияти юксак халқ яшайди. Бу маънавият юртимизда минг йиллар мобайнида шаклланиб, сайқаланиб, чуқур илдиз отиб, сўнгра ўзининг ҳозирги енгилмас ва жозиба қилинган бўлган. Миллий қадриятларимиз ана шу кўчдан қувват олганлиги учун ҳам умрбоқий. Утмишда юртимизни босиб олган босқинчилар ҳам бизнинг турмуш тарзимизни ўзгар-

Таҳлил ва талқин

Вазифалар белгилаб олинди муҳим йўналишларга эътибор қаратилди

АДЛИЯ ВАЗИРЛИГИНИНГ асосий вазифаларидан бири ҳуқуқий тарбият ва ҳуқуқий таъминлаш мақсадида юриспруденция йўналиши бўлган тақлифнинг ишлаб чиқиши ана шу талаблардан келиб чиқиб Адлия ҳамда 2009 йил 27 октябрдаги Олий ва ўрта махсус таълим вазирлигининг қўша қарори билан Юриспруденция таълим йўналиши бўйича ташқи олий таълим муассасаси сифатида Тошкент Давлат юридик институти қошидаги юридик йўналишлири мавжуд бўлган олий таълим муассасаларининг жамоатчилик асосида мувофиқлаштириш кенгаши тузилиб, унинг таркиби тасдиқланган.

УШБУ Қўша қарор ижросини таъминлаш мақсадида юриспруденция йўналиши мавжуд бўлган олий таълим муассасалари фаолиятини ривожлантириш, мавжуд муаммоларни, талабалар давомиятини,

дарслар сифатини ўрганиш, таҳлил қилиш ва уларни барқарор этиш чора-тадбирларини белгилаш, маънавий-ахлоқий, ўқув-услубий, амалий ишлар бўйича илгор тажрибаларни қўллаб-қувватлаш ва омма-

лаштириш, профессор-ўқитувчиларнинг маълумотидаги осирлик ҳамда улар ўртасида тажриба алмашув ишларини ташкил қилиш, таълим муассасалари орасида илмий ҳамкорликни мувофиқлаштириб бериш масалаларига алоҳида эътибор қаратишлари зарурлиги юзасидан Тошкент Давлат юридик институти, Ўзбекистон Миллий университети, Қорақалпоғистон Давлат университети ҳуқуқшунослик факультети, Жаҳон иқтисодийтаъминоти ва дипломатия университети халқаро ҳуқуқ факультети, Самарқанд Давлат университети ҳуқуқшунослик факультети ҳамда Наманган Давлат университети ҳуқуқшунослик факультети, Кенгашининг 2011 йилги иш режаси тасдиқланиб ижрога қаратилди. Кенгаш вазифа ва функциялар-



ридан келиб чиқиб, 2011 йил 8 январь куни ТДЮИда "Юридик кадрларни тайёрлашнинг долзарб масалалари" мавзусида ўқув тажриба семинари ўтказилди.

Адлия вазирлигининг ҳуқуқий тарбият ва ҳуқуқий таълим бошқармаси

ЯНА БИР йил ортда қолди. Газетамизнинг 2011 йилдаги илк сони билан юзма-юз келаят-сиз. Сарҳисоблар дафтари вақрақлаганимизда кўнглимиз тоғдай кўтарилди. Сиз азиз муштарийлардан ўтган йили 1038 та мақола ва хат-хабарлар олдик. Бизга ёрдан сўраб, ариза битган мухлисари-миздан 1061 та мурожаат хатларини олдик. Уларнинг асосий қисми тегишлилигига кўра мутасадди ташкилотларга юборилди. Улар томонидан олиб борилган ўрганишлар натижалари билан мухлисари-мизга газетамизнинг "Мурожаатлар" "Инсон ва қонун" эътиборидан руқни орқали танишиб бормоқда. Айрим мурожаатлар юзасидан ходимларимиз журналист суриштируви ўтказди. Бир сўз билан айтганда, биронта мурожаат эътиборсиз қолмади.

Газетхонлар билан ҳамкорлик 2011 йил ҳам давом этади. Буни улардан келаятган мақолалар, хатлар ва мурожаатлардан ҳам кўрсак бўлади

Сарҳисоб

тотувлик бола тарбияси-га ижобий таъсир кўрсатади". "Бугунги кунда тажрибали кадрлар мамлакатимизда амалга оширил-лаётган барча соҳалардаги ислохотларда ўзларининг муносиб улшларини қўшмоқда. "Миллий кадрлар тайёрлаш моқда" номли мақола муаллифи Алишер Атажанов, Қорақалпоғистон Республикаси Адлия вазирлигининг кадрлар бўйича бош мақолатчиси. Муаллиф ўз мақоласини шундай сатрлар билан бош-

лайди. — "2003 йил 23 августдаги Вазирлар Маҳкамасининг "Адлия вазирлиги тўғрисида"ги 370-сонли қарорида Ўзбекистон Республикаси Адлия вазирлиги зиммасига юқлатилган вазифаларни бажаришда кадрларни тўғри танлаш ва лавозимларга тайинлаш, шунингдек, уларни тарбиялаш адлия органлари ва идоралари фаолиятини ташкил этишнинг энг муҳим омили-ридан бири эканлиги белгилаб қўйилган". "Ўзи емай боласига едирган, ўзи ичмай бо-

ласига ичирган, боласини бошида кўтарган элнинг авлодимиз, — деб ёзади Навоий вилояти Қизилтепа тумани 1-сонли давлат нотариал идораси нотариуси Акрам Маждидов. — Бу болажон фазилатларимиз Бош комунисимизда ҳам ўз аксини топган. Конституциямизнинг 64-моддасида ота-оналар ўз фарзандларини вояга етгунларига қадар боқиб ва тарбиялашга мажбурдирлар". Кейинги пайтларда тахририятимизга экология мавзусида қўллаб мақола-лар келмоқда. Бу мавзунинг долзарблиги ҳеч қимга сир эмас. ТДЮИ талабаси Асрор Эргашев ҳам тахририятга йўллаган мақоласини "Иқлим ўзгариши" деб номлаган. Муаллифининг ёзишича, қурраи заминнинг ёши 4 миллиардга етибди. Ана шу йиллар давомида инсоният ўзи яшаётган заминга жуда кўп озор етказган.


14 январь – Ватан ҳимоячилари кун

(Давоми. Боши биринчи бетда)

Соқчининг сергаклиги ва аниқ ҳаракати унинг низомларни пухта билишини, қолаверса, Ватанга, бурчига садоқатини кўрсатди. Соқчи кичик сержант Б.Маҳматқулов қоровул хизматини аъло тарзда ўтаганлиги учун қисм кўмондонлиги томонидан муносиб тақдирланди.

— Қоровулларни танлашда уларнинг руҳий ҳолатига ҳам асосий эътибор қаратамиз, — дейди қоровул бошлиғи офицер А.Эшонқулов. — Улар низом талабларини яхши билиши, ҳар қандай ҳолатда ўзини йўқотмасдан тез ва аниқ ҳаракат қилиши керак. Шунинг билан олган ҳолда, қоровулга ҳарбий хизматчиларни танлашдан олдин улар билан машғулотлар ўтказилади.

— Қоровулга туришдан олдин ҳарбий хизматчилар уч боқичли тайёр-



Ҳушёрлик уларнинг муқаддас бурчи

гарликдан ўтишади, — дейди офицер Бектемир Раббимов. — Биринчи боқичда уларни саралаб оламиз. Бунда ҳарбий хизматчининг жисмоний, руҳий ва маънавий жиҳатларига эътибор қаратамиз. Иккинчи боқичда саралаб олинганлар билан қоровулларни тайёрлаш ҳолатида назарий машғулот олиб борамиз. Учинчи боқичда қоровуллар шахарчасида жанговар қуролдан фойдаланиш, қўл жанги машқули, ёнғин содир бўлганда ишлатиладиган асбоб ва ёнғинга қарши воситаларни ишлатиш, постда алмашиш, ҳаракат қилиш, қуролни ишлатиш каби машқуларни амалий тарзда ўргатамиз. Бу машғулотлар қоровуллар шахарчасида тажрибали офицерлар томонидан олиб борилади. Машқуларни юксак савияда ўтказиш учун шахарчада низом талаблари асосида барча шарт-шароитлар муҳайё қилинган.

Қоровулхонага қирар эканмиз, тартибли, озода хоналар диққатимизни

тортиди. Қоровулларнинг дам олишлари, овқатланишлари учун зарур шароитлар яратилган. Дам олиш хонасида шашка, шахмат, шунингдек, газета ва журналлар тартиб билан жойлаштирилган. Қоровулхона олдида турган соқчи низом қоидаларига амал қилган ҳолда қоровул бошлиғига келадиганлар ҳақида ахборот бериб турибди. Бу ҳарбий хизматчиларнинг қоровул хизмати қоидаларини жуда яхши ва пухта ўзлаштирилганлигини кўрсатади.

— Мен анча йиллардан буён шартнома бўйича хизмат қилиб келаяман, — дейди қоровул бошлиғи ёрдамчиси кичик сержант Шерзод Абдуманнопов. — Қоровул ва соқчининг вазифаларини яхши биламан. Шундай бўлса ҳам қоровуллик хизматига ўтишдан олдин низом қоидаларини ўқиб, билишимни янада бойитиб бораёман.

Қоровул бошлиғининг таъкидлашча, кичик сержантлар — Мурод Сотволдиев, Лазиз Жабборов, Ота-

бек Аҳмедов, Илҳом Янгибоев шартнома бўйича ҳарбий хизматчи, оддий аскар Ҳалим Турсунов кабилар қоровул хизматини аъло тарзда ўтаётган ҳарбий хизматчилардан ҳисобланади.

Қоровул бошлиғининг ёрдамчиси кичик сержант Ш.Абдуманнопов наватдаги қоровулларнинг постга бориш учун тайёрлик кўришларини айтиди. Қоровуллар ўз вазифаларини ўташга шай бўлганларида қоровул бошлиғи яна бир бор уларга соқчининг вазифаси ва мажбуриятлари ҳақида эслатиб ўтди. Шундан сўнг улар қоровул бошлиғининг назорати остида қуролларини ўқладилар. Ёрдамчи саф олдида ҳаракат қилиб, қоровулларни пост томон олиб кетди. Улардаги ўзларига бўлган ишончни, қатъиятни ҳис қилар эканмиз, юртимиз тинчлиги, осойишталиги ишончи қўларда эканига яна бир бор амин бўлдик.

Ахбор ОЧИЛОВ

Мустаҳкам ирода

инсонни улуғликка ундайди

ТЕЛЕВИЗОР орқали спорт мусобақасини шарҳлаётган ҳамкасбим "иродали ўйин намойиш этди", деган иборани қўлади. Журналист бўлганим учунми, менга бу бироз эриш туюлди. "Ирода билан ўйнади", "ўйин давомида иродасини намойиш этди", деган ибораларни унинг ўрнига қўйиб кўрдим. Чакки эмас. Сўзни жой-жойида ишлатса бўлади-ку. Шу баҳона бўлди-ю, инсон иродаси ҳақида ўйлай кетдим.

ЎТГАН ЙИЛНИНГ 16-24 октябрь кунлари Аргентинада футбол бўлимига ногирон-ампутантлар ўртасида ўтказилган жаҳон чемпионатида Ўзбекистон ногиронлар терма жамоаси кетма-кет иккинчи марта жаҳон чемпиони унвонини қўлга киритди. Очиғи, футболчиларимиздаги иродага қўйил қолдим.

Иродаси бақувват инсоннинг қатъияти, матонат кучли бўлади. Буни миллий армиямиз сафларида хизмат қилаётган ўғлонларда кўп бора кузатганман.

Қалб жасорати деган тushунча бор. Бу менимча ирода билан боғлиқ. Гоҳо ўзимизни кучимиз етмагандай кўрсатиб, мақсад йўлидан чекинамиз, иродасизлик қиламиз. Жасорат етишмайди. Натijaда шамол эсишига қараб йўналишимизни ўзгартираверамиз. Алломалардан бири айтганидек, мақсад сари фидокорона курашган қалб эгаси ҳаётда кўп нарсага қодир бўлади.

Жўрабек Қосимов жорий йилда олий ҳарбий билим юртини имтиёзла равишда тугатди. Лейтенант бўлди. У аскарлигида ҳам ҳужжат топшириб, офицер бўлишга ҳаракат қилган. Бироз омади келмади. Бирок иродаси мустаҳкам экан. Муддатли ҳарбий хизматдан сўнг такрор уринди. Довон забт этилди.

Бундан ўн йилча муқаддам кичик



сержант Мухайё Нейматова ҳақида мақола ёзганман. Қисм командири "уртоқ муҳбир, бизда иродаси, шижоати, қатъияти билан чақнаб турган, ҳар қандай йиғитдан қўлишмайдиган ўт-олов бир қиз бор. Ҳар қандай ўқотар қуролдан фойдалана олади, қўл жанги бўйича маҳорати юксак", қабилдаги гаплар билан ўзини мардлар касбига ба-

ғишлаган Мухайё билан таништирдим. Орадан бироз вақт ўтиб, у Президентимиз Фармонига кўра "Шўҳрат" медали билан тақдирланди.

Миллий армиямизнинг қиёфаси, мазмун-моҳияти ўзгариб борапти. Яъни у тобора ўшларимизнинг иродасини тоблайдиган, оиласида, мактабда олиб улгурмаган тарбияни ўргатадиган жасорат ва матонат мактабига айланмоқда. Самарасини эса кўриб турибмиз.

Тахририятга шартнома бўйича хизмат қилаётган оддий аскар Марратбек Эгамов бир неча бора кўнғироқ қилди. Шарафли хизматидан фахрланишини бизга сўзлаб бермоқчи экан. Хоразмлик йиғитнинг хизматини шартнома бўйича давом эттираётганига ҳали унча кўп бўлмаган. Етимликда ўсибди. Табиийки, иродаси машаққатлар, қийинчиликларда тобланган. "Бугун мен ҳаётимни армиясиз тасаввур этолмайман. Мени армия ҳаёти янада тоблаяди. Ватан ҳимоячиси деган юксак мақомга эришялман. Ана шунинг ўзи мени юксак интеллектуал салоҳиятга, мустаҳкам ирода ва халқимга садоқат туйғуларига эга бўлишга ундайди. Шунда мен маҳоратда, матонатда ҳеч кимдан кам бўлмайман", — дейди ўғлон ғурур билан.

Ҳа, қувонарлиси шундаки, бугуннинг қаҳрамонлари бўлган бундайин ўшларимиз — Ватан ҳимояси йўлида ҳақиқий қаҳрамонликка тайёр авлоднинг асосий кучи, қудрати уларнинг мустаҳкам иродаси, Ватанга садоқатидир.

Алижон САФАРОВ

Янги йил тухфаси

Эллиққалъада яна бир бино таъмирланди

СУРАТДАГИ муҳташам бино Қорақалпоғистон Республикаси Эллиққалъа туманида жойлашган. Капитал таъмирдан чиқарилиб, 2010 йилнинг 29 декабрида фойдаланишга топширилган мазкур бинода жиноят ишлари бўйича Эллиққалъа тумани суди ва суд ижрочиларининг туман бўлими ходимлари фаолият кўрсатадилар. Замонавий суд зали, мавжуд хизмат хоналари жаҳон андазалари даражасида жиҳозлангани билан диққатга сазовордир. Бундай қулай шароитда одил судловни амалга ошириш, суд қарорлари ижросини таъминлаш ҳамда фуқароларнинг ҳуқуқ ва эркинликларини ҳимоя қилиш изчил йўлга қўйилади, десак муболаға бўлмайдими. Бино туман аҳлига янги йилда муносиб тухфа бўлди, деб бемалол айтиш мумкин.



Замонавий таълим

Юрагида ўти бор ёшлар

дунёни билишга, дунёга чиқишга интилади. Бунинг учун эса улар тил ва компьютер саводхонлигини мукамал эгаллашлари лозим

ҲОЗИРГИ КУНДА ёшларга замонавий компьютер ва ахборот технологияларидан, халқаро ахборот тизими — интернетдан фойдаланишни мукамал ўргатишга катта эътибор қаратилган десак, адашмаймиз.

БУНГА мисол қилиб ҳуқуқимиз томонидан "Таълим муассасалари битирувчиларининг инглиз тилини билишлари ҳамда компьютер технологиялари ва интернет тармоғидан фойдаланишнинг таянч кўникмаларига эга бўлишлари таъминлаш тўғрисида"ги топшириғи ижроси юзасидан комплекс чора-тадбирлар Дастури ҳамда "ZiyoNET" ахборот тармоғини янада ривожлантириш тўғрисида қабул қилинган қарорларни айтишимиз мумкин.

Бу дастур ва қарорларнинг қабул қилинишидан мақсад умумтаълим мактаблари, кол-

лежлар ва лицейлар, олий ўқув юрталарининг ўқув жараёнларида замонавий компьютер ва ахборот технологияларида, маданий-маърифий ва спорт ахборотлари ҳамда улар билан боғлиқ маълумотнома-таълимий материаллар мавжуд.

Тошкент юридик коллежида ўқитувчи-педагогларнинг халқаро ахборот тизими — интернет ҳамда "ZiyoNET" ахборот тармоғи маълумотларидан фойдаланиш ва олинган маълумотлардан дарс ўтиш жараёнларида қўлланилиши фикримизнинг далилидир. Шу билан бирга ўқувчи ёшларнинг дарсдан кейинги бўш вақтларида "ZiyoNET" ахборот тармоғидан фойдаланиш учун ах-

тан юксак маънавий-ахлоқий фазилатларини мустаҳкамлашга, фаол ҳаётий мавқега эга бўлган баркамол шахсни вояга етказишга қаратилган маълумотлардан ташқари, болалар ва ёшлар учун ахборот, маданий-маърифий ва спорт ахборотлари ҳамда улар билан боғлиқ маълумотнома-таълимий материаллар мавжуд.

Тошкент юридик коллежида ўқитувчи-педагогларнинг халқаро ахборот тизими — интернет ҳамда "ZiyoNET" ахборот тармоғи маълумотларидан фойдаланиш ва олинган маълумотлардан дарс ўтиш жараёнларида қўлланилиши фикримизнинг далилидир. Шу билан бирга ўқувчи ёшларнинг дарсдан кейинги бўш вақтларида "ZiyoNET" ахборот тармоғидан фойдаланиш учун ах-

борот-ресурс марказида барча имконият ва қулайликлар яратилган.

Барчамизга маълумки, халқаро ахборот тизими — интернет тармоғидан фойдаланиш учун хорижий тилларни билиш лозим. Бу борада коллежда жорий йилдан бошлаб талабаларга хорижий тиллар ва компьютер саводхонлиги бўйича тўғрақлар ташкил этиш режалаштирилган.

XXI — фан ва техника асрида ёшларимизни билимли, зукко ўз касбларининг етук мутахассислари, буюк олимлари бўлиб етиштириш учун жамоамизда қилинаётган эзгу ишлар таҳсинга сазовордир.

Ҳадича САЙДУЛЛАЕВА, Тошкент юридик коллежи ўқитувчиси

"ЎЗВИНСАНОАТ-ХОЛДИНГ" ХОЛДИНГ КОМПАНИЯСИ ЖАМОАСИ

Барча ўзбекистонликларни 2011 йил — "КИЧИК БИЗНЕС ВА ХУСУСИЙ ТАДБИРКОРЛИК ЙИЛИ" билан самимий табриклайди.

Сиз азиз юртдошларимизга мустаҳкам соғлиқ, оилавий хотиржамлик, Она Ватанимизнинг равнақи йўлидаги фидокорона меҳнатингизда ғайрат-шижоат ва омад ҳамроҳ бўлишини тилайди.

"МИКРОКРЕДИТБАНК" ОЧИҚ АКЦИЯДОРЛИК ТИЖОРАТ БАНКИ САМАРҚАНД ФИЛИАЛИ ЖАМОАСИ

азиз ватандошларимизни, ҳусусий тадбиркорлик субъектлари ва банк ходимларини 2011 йил — "Кичик бизнес ва ҳусусий тадбиркорлик йили" муносабати билан самимий муборакбод этади!

Сизларга мустаҳкам соғлиқ ва тинчлик-хотиржамлик тилайди.

Ўзбекистон Республикаси Адлия вазирлиги қуйидаги нотариус лавозимларига танлов ўтказишни қайта эълон қилади

Андижон вилоятида
Андижон шаҳар 8-сон давлат нотариал идорасида 1 нафар
Андижон шаҳар 9-сон давлат нотариал идорасида 1 нафар

Наманган вилоятида
Наманган шаҳар 13-сон давлат нотариал идорасида 1 нафар

Фарғона вилоятида
Бувайда туман давлат нотариал идорасида 1 нафар
Олтиариқ туман 2-сон давлат нотариал идорасида 1 нафар

Танловда қатнашиш учун қуйидаги ҳужжатлар тақдим этилиши лозим:

- Комиссия номига ариза;
- Паспорт нусخаси;
- Белгиланган шаклда тўлдирилган шахсий варақа;
- Меънат дафтарчасининг нотариал ён иш жойида тасдиқланган нусхаси;
- Талабдорнинг малака имтиҳонини топширганлиги тўғрисида Малака комиссиясининг қароридан кўчирма (малака имтиҳонини топширган, лекин нотариус лавозимига ўн йил мобайнида ишлаган талабдорлар эса малака имтиҳонини қайта топширилганлиги тўғрисида Малака комиссиясининг қароридан кўчирма);
- Охири иш жойидан берилган меънат фаолияти тўғрисидаги тасвирнома.

Танловда йигирма беш ёшдан кичик бўлмаган, олий юридик маълумотга, юридик мутахассислик бўйича қавмида ўн йил муддатли иш стажига эга бўлган, шу жумладан, белгиланган тартибда стажировкани ўтаган, малака имтиҳонини топширган Ўзбекистон Республикаси фуқароси иштирок этиши мумкин.

(Ҳужжатларни тақдим этишнинг охириги санаси 2011 йил 10 февраль) Манзил: Тошкент шаҳар, Сайилгоҳ кўчаси, 5-уй. Телефонлар: (8-371) 233-44-48, 236-78-52, (ички) 183, 184, 185.

Эътибор

Никоҳ масъулияти

унда ўзгаларнинг тақдирини ҳам туташади

НИКОҲДАН олдинги тиббий кўрик ёш оила мустаҳкамлигини таъминлайди, албатта. Шу ўринда бир ҳаётий мисол келтирсак. Хорижда ишлаб келган Н. исмли йигит уйланмоқчи бўлади. Келин бўлиши С. уни тиббий кўриқдан биргалликда ўтишга ундайди. Бироқ, сохта ғурур туйғулими ёхуд тиббий маданият етишмаслигининг, йигит бунга ўзи учун ор билиб, С. ни одобсизликда айблади. Хуллас, тўй ўтиб, янги ҳаёт бошланади. Бирок уларнинг фарзанди бедаво дард билан туғилади. Ёш она эридан бор ҳақиқатни айтишини қатъий талаб қилди. Йигит ноилжол қолгани, олис юртларда юқумли касаллик орттирганини тан олишга мажбур бўлади. Афсус, аёлнинг касал юқтирган, фарзанди нобуд бўлган эди...

Айни пайтда тиббий кўриқка эътиборсиз бўлиш нечоғлик хунук оқибатларга олиб келишини бугун оила кураётган деярли ҳар бир йигит-қиз чуқур англаяпти. Вазирлар Маҳкамасининг 2003 йил 25 августдаги "Никоҳланувчи шахсларни тиббий кўриқдан ўтказиш тўғрисидаги Низомни тасдиқлаш ҳақида"ги қароридан "...никоҳ тузишга тиббий кўриқдан ўтиш масалалари долзарб эканлигини ёшларнинг кенг қатламларига етказиш..." деб алоҳида таъкидланган. Ўзини илм-маърифатли деб билган ҳар бир ота-она тўй бошладан олдин фарзандининг келажагини ўйлаши, давлат олдида бола тарбиясига, соғлом авлоднинг дунёга келишига маъсул эканлигини англаб иш тутиши, тиббий кўриқдан ўтишга бепарқ бўлмаслиги лозим.

Туман миқёсидаги тахлиллар шунини кўрсатадики, энг кўп никоҳлар 20-25 ёш оралиғида қайд этилар экан. 2010 йилнинг ўн бир ойида Олот туманида жами 1010 та никоҳ қайд этилган. 2009 йилда туманда 804 та никоҳ рўйхатга олинганига эътибор қаратсак, 2010 йилда бу кўрсаткич 206 тага кўпайганини кўрамиз. Бу — халқимиз турмуш тарзининг яхшилана бораётганлигини ҳам ифодалайди. Бўлажак оилани турли кўнглисизликлардан асраш мақсадида хотин-қизлар саломатлигини ҳам никоҳдан олдинги тиббий кўриқка, шунингдек, никоҳ ёшига алоҳида эътиборли бўлиш талаб этилади.

Ойдина МУРОДОВА, Бухоро вилояти Флот тумани ОХД бўлими мудираси

Килмиш-қидирмиш

РАЪНО Жиззах туманидаги "Кулама" ҚФЙдаги 253-уйга келин бўлиб тушди-ю, бу хонадон жанжалнинг уясига айланди. У кунда, қунаро овсини Дилбар билан даханаки "жанг"га киришарди. Баъзан бу "жанг"ларга хатто ака-укалар ҳам аралашиб қоларди. Мамлакат опа келинларни муроасага чакриш билан овора бўларди. Жанжалнинг сабабчиси ҳовли эди. Катта ҳовлига икки келин сикмасди.

...2009 йил 31 январь кун бу хонадонда эрта тонгда яна одатдагидек шовкин-сурон кўтарилди. Тушга яқин бақир-чақирлар босилгандек бўлди. Лекин тушдан сўнг жанжал яна авж олди.

— Сенинг бузуқлигининг ҳамма билади. Бошлигин билан "юраркансан", — деди Раъно овсини Дилбарга.

— Шу гапингни исботлай оласанми? Агар исботлай оласанми, бошинга итнинг кунини соламан, — деди Дилбар. — Исбот бор. Кўчанинг бошида яшайдиган Роза (Исмлар ўзгартирилди) айтиди. Бошлигининг хотини ишхонага келиб жанжал қилган, сени ишдан ҳайдабди-ку.

Дилбар уйга кириб, ухлаб ётган эрини турғизди: — Келиннинг мени фоҳиша деди. Исботлаб берсин. Уйдан ҳайдаб чиқариш учун минг бир баҳона қидирайти, — деди йиғи аралаш.

Хотинининг бу гаплари Дилбарнинг эри Қобилга оғир ботди. Уйдан отилиб

чиқди-ю, "Сен менинг хотинимни бузуқи дебсан. Агар исботласанг, хотинининг жавобини бераман. Агар гапинг тўхмат бўлса, ўлдим дейвер. Сен отангга ишониб юрибсан. Отангни ҳам, сени ҳам ўлдираман", деб келинига мушт кўтарди. Буни кўрган онаси

бузуқсан" деб ҳақорат қилди", — деди профилактика инспекторига.

— Ким сизни ҳақорат қилган бўлса, ариза билан бизга мурожаат қилинг. Кўриб чиқамиз. Лекин биринингизнинг ёқангиздан олманг. Яхши бўлмайдми, — деб ИИБ ходими ҳовлидан чиқиб кетди. Жанжални бошлаган Раъно эса эрининг ишхонасига йўл олди.

Аҳмадларни дарвоза ташқарисидан қолдириб, ўзи ичкарига кирди.

— Яна кизинг кўнгирак қилгандир. Сен ифлос яна келдингми? Сени ўлдирмасам, тинчимас эканман, — дея Қобил ичкарига кириб кетди. Кўп ўтмай уйдан ўқ отар қуролни олиб чиқди. Ва Худойберди акага қараб ўқ узди. Худойберди ака ерга йиқилди. Жароҳатланган Худойберди акани "тез ёрдам" касалхонага олиб кетди. У жароҳат сабаб анча қон йўқотган эди. Врачлар қилган сай-ҳаракатлар фойда бермади. 2009 йил 13 февраль кун Худойберди ака ҳаётдан кўз юмди. Қўлига қурол тутган Қобил Солиевга жиноят ишлари бўйича Жиззах вилояти суди ҳукми билан 16 йил озодликдан маҳрум қилиш тинчили бермади. Иккита оиланинг бошига оғир қулфат тушди. Бир оила отасиз қолди. Иккинчи оила эса узоқ муддат отасиз яшайдиган бўлди. Энг ачинарлиси, бу жиноятга сабабчи бўлган Раъно ва Дилбар

ўз ҳаётларини давом эттириб юрибди. Гўёки айбисиздек. Аслида эса...

Бу фожиа ҳақида ўйлаганинда бир сўроқ қалбингга тинчлик бермайди. Бу фожиа юз бермаслиги мумкинми? Мен "ҳа" деб жавоб берган бўлардим. Фақат одамлар лоқайд бўлишмаганида.

Махрамқул ЭРМАТОВ,
Жиззах вилояти
прокурори ўринбосари

Зайниддин
МАМАДАЛИЕВ,
"Инсон ва қонун"
муҳбири



Лоқайдлик

фожиага олиб келди

ўглининг қўлини ушлади: "ундай қилма, болам. Бошинга бало орттирасан", деди. Навбатдаги оилавий жанжал жиддийлашганини сезган она шўрлик маҳалладаги профилактика нозирини олдириб жон ҳолатда югурди. — Мелиса болам, уйимизга тезда бормасанг бўлмайди. Келинларим яна "жанг"ни бошлашди. Бир касофат бўлмасдан олдини олайки, — деди онаизор.

Профилактика нозирини Қ.Қурбонов келганида ҳовлидаги кўпчилик ишига жўнаб кетган, уйда Дилбар қолган экан. У "Раъно мени

— Акангиз мени яна урди. Мелиса келиб кетди. Қачонга бу ҳолат давом этади? — деди кўз ёши қилиб.

— Мен нима қилай? Қачон сенларнинг жанжалларинг тугайди?! Уларнинг мақсади уйдан ҳайдаш. Яхшиси, отангга кўнгирак қил. Бир йўлини топишар, — деди Рустам хотинига.

Кўп ўтмай Раъно отаси Худойберди акага кўнгирак қилиб, яна эрининг акаси Қобил урганини айтиди. Орадан бир соат ўтмасдан Раънонинг отаси қудасининг уйига етиб келди. Уғиллари Акмал, Ботир ва

Хурматли юртдошлар!

"Асака" банки (ОАЖ)

Сизларни кириб келаётган Янги йил билан чин қалбдан табриклайди ва қуйидаги янги, муддатли омонат турларини таклиф этади:

Миллий валютадаги омонат:

"ДАРОМАДЛИ-1".

Сақланиш муддати — 1 йил.

Ҳисобланган фоизлар ҳар ойда ёки омонат ёпилганда берилади.

Хорижий валютадаги омонат:

"янги йил-2011" — АКШ ДОЛЛАРИДА.

Сақланиш муддати — 13 ой.

Ҳисобланган фоизлар ҳар чорақда ёки омонат ёпилганда берилади.



Филиаллар	коди	телефон рақами
1. Тошкент шаҳар	371	120-83-13
2. Автотранспорт филиали	371	120-39-95
3. Шайхонтохур филиали	371	140-39-36
4. Юнусобод филиали	371	225-16-46
5. Сирғали филиали	371	258-67-49
6. Тошкент вилояти филиали	371	120-84-13
7. Андижон вилояти филиали	374	224-40-96
8. Асака филиали	374	233-13-69
9. Фарҳод филиали	374	229-97-53
10. Фарғона вилояти филиали	373	224-70-83
11. Марғилон филиали	373	237-12-37
12. Олтиариқ филиали	373	432-10-11
13. Қўқон филиали	373	552-61-04
14. Наманган вилояти филиали	369	226-94-75
15. Навоий вилояти филиали	436	223-54-32
16. Зарафшон филиали	436	573-18-78
17. Бухоро вилояти филиали	365	223-71-94
18. Бухоро шаҳар филиали	365	770-11-27
19. Самарқанд вилояти филиали	366	231-08-86
20. Афросиёб филиали	366	234-17-96
21. Қашқадарё вилояти филиали	375	221-12-93
22. Сурхондарё вилояти филиали	376	770-82-12
23. Қорақалпоғистон филиали	361	223-72-47
24. Хоразм вилояти филиали	362	226-97-78
25. Сирдарё вилояти филиали	367	225-44-03
26. Жиззах вилояти филиали	372	226-43-11

Ушбу омонат турларини банкнинг барча филиалларида очиш мумкин.

Мурожаат учун: "Асака" банки (ОАЖ) филиаллари телефонлари: 120-39-81, 120-39-60, 120-39-63

"Асака" банки (ОАЖ) сармоянгаизнинг сақланиши ва қўлайлигини кафолатлайди. Барча омонатларингиз Фуқароларнинг банклардаги омонатларини кафолатлаш фонди томонидан кафолатланади.

Сизнинг омонатларингиз:

- солиқлар ва мажбурий тўловлардан озод!
- эгаллик ва тасарруф этиш ҳуқуқи ўз ихтиёрингизда!
- маълумотларнинг сир сақланиши тўлиқ кафолатланади!
- миқдори чекланмаган!

Хизматлар лицензияланган.

ҲИСОБНИ ТЎЛДИРИНГ
ВА 50 МБ СОВҒА ОЛИНГ!

«БАХТЛИ КАРТА» АКЦИЯСИ

31 январгача 10 000 сўмлик бахтли карточкани харид қилсангиз, 50 Мб Интернет-трафикка эга бўласиз.



бир қадам олдинда

Батафил: 0890 мб. тел.: (+998 97) 130 09 08, 131 09 09, 103 09 09, www.mtc.uz, www.mtc.uz
Тўловлар сўлда. Ушбу МТСнинг Тулов қўлидаги қўри бўйича амалда олинилади. Наҳиларга бағич солиқлар киритилган. Ўзбекистон Республикасида хизматлар «Ўзбекистон» қўридан олиниши билан эълон қилинган. Хизматлар лицензияланган.

ИНСОН ва ҚОНУН

МУАСССА:
ЎЗБЕКИСТОН
РЕСПУБЛИКАСИ
АДЛИЯ ВАЗИРАТИ
1996 йилнинг январьда
нашр этилган

2007 йил 3 январда
Ўзбекистон Матбуот ва
Ахборот агентлигинда
0081-рўқсим билан
рўйхатга олинган.
ISSN 2010-7897

Бош
муҳаррир:
Қўчқор
НОРҚОБИЛ

ТАҲРИР ҲАЙЪАТИ:

Аҳмедов Абдуҳалим Абдураимович
Муштафаев Бўриғош Муштафаевич
Ражабова Мавжуда Абдуллаевна
Раҳмонов Абдуқамол Шодиевич
Судонов Алимқул Тошбекович
Тўраев Тура Эргашевич
Сайдов Шоқир Камолович
Хайроев Ислом Ҳамзаевич

Навбатчи:
Ербек
ИСКАНДАРОВА
Саҳифаловчи-
дизайнер:
Тўлқин
РАҲПОВ

Индекс: 646882

"ИНСОН ВА ҚОНУН" газетаси таҳририяти компьютер базасида терилди ва саҳифаланди. А-2 бичимда, 2 босма табоқ ҳажмида, офсет усулида «Ўзбекистон» матбаа ижодий уйида чоп этилди.
Қорхона манзили: Тошкент шаҳри, Навоий кўчаси 30-уй.
Буюкми я-897. Тиражи — 21501. Босилга топшириш вақти — 21.00
Топширилди — 19.00

Манзиллими:
100047, Тошкент ш.
Сойилгоҳ кўчаси-5.
Тел: 233-95-31,
Факс: 233-84-50
e-mail: info@press-iq.uz
1 2 3 4 5